

Broj: 10-37-2-114/26

Datum 23. 1. 2026. godine

Na osnovu člana 61.stav (2) Zakona o upravi („Službeni glasnik BiH“ brojevi 32/02, 102/09, 72/17) te člana 2. i člana 6. alineja 1. Instrukcije o postupku zaključivanja ugovora o djelu broj: 01-02-2-1969-2/20 od 24.01.2023.godine, Ministarstvo za ljudska prava i izbjeglice Bosne i Hercegovine *o b j a v l j u j e*

### JAVNI POZIV

#### **Za prikupljanje prijava za angažman vanjskog saradnika/konsultanta za razvoj metodologije (indikatora) za praćenje stanja ravnopravnosti spolova u BiH u skladu sa članom 26.b Zakona o ravnopravnosti spolova BiH**

Aktivnost se realizuje u okviru projekta „*Institucionalno jačanje za rezultate u ostvarivanju ravnopravnosti spolova u Bosni i Hercegovini*“ (*GEAR-UP for Gender Equality Results in Bosnia and Herzegovina*) koji implementiraju UN Women BiH i Agencija za ravnopravnost spolova BiH (ARSBiH) Ministarstva za ljudska prava i izbjeglice BiH.

Projekat „*Institucionalno jačanje za rezultate u ostvarivanju ravnopravnosti spolova u Bosni i Hercegovini*“ (*GEAR-UP for Gender Equality Results in Bosnia and Herzegovina*) ima za cilj podržati razvoj kapaciteta i institucionalno jačanje mehanizama za ravnopravnost spolova u Bosni i Hercegovini, kako bi oni mogli djelotvorno provoditi svoje nadležnosti u implementaciji Gender akcionog plana BiH i ispunjavati obaveze u skladu s međunarodnim standardima, te na taj način doprinijeti unapređenju rodne ravnopravnosti i osnaživanju žena u Bosni i Hercegovini.

#### **Opis zadataka saradnika/konsultanta:**

- Razviti metodologiju i nacrt institucionalno-procesne infrastrukture za godišnje dostavljanje podataka po identifikovanim indikatorima
- Definisati indikatore koji pokrivaju najvažnije oblasti društvenog života (u skladu sa Zakonom o ravnopravnosti spolova, Gender akcionim planom Bosne i Hercegovine, Indikatorima održivog razvoja - SDG indikatorima, Indeksom rodne ravnopravnosti Evropskog instituta za ravnopravnost spolova - EIGE Gender Equality indeksom, publikacijom *Žene i muškarci u BiH* i drugim relevantnim dokumentima)
- Izvršiti analizu raspoloživih izvora informacija po indikatorima, uključujući organe uprave na bh. nivou i vodeće nevladine organizacije koje proizvode podatke
- Pripremiti unificirane i prilagođene upite za proizvođače informacija o indikatorima
- Identificirati nedostajuće podatke i izraditi obrazloženje i prijedloge dopisa ARS BiH prema nadležnim institucijama radi uvođenja prakse redovnog izvještavanja
- Izraditi nacrt podzakonskog akta (instrukciju Vijeća ministara Bosne i Hercegovine) kojom se utvrđuje obaveza redovnog dostavljanja podataka
- Kreirati inicijalni nacrt sistema monitoringa i evaluacije (M&E) projekta *Institucionalno jačanje za rezultate u rodnoj ravnopravnosti* (eng: *GEAR-UP for Gender Equality Results*), uključujući prijedlog pokazatelja uspješnosti, izvora verifikacije i mehanizama praćenja napretka u implementaciji planiranih aktivnosti.

- Održati konsultativni online sastanak sa švedskim ekspertima ispred Agencije za ravnopravnost spolova Švedske (SGEA) radi usklađivanja pristupa i razmjene dobrih praksi
- Pripremiti i moderirati dvije radionice/savjetovanja sa ARS BiH osobljem i predstavnicima Švedske agencije za ravnopravnost spolova - SGEA (početna sesija – identifikacija problema; završna sesija – finalizacija indikatora i koraka za kreiranje politika)
- Izraditi ekspertsku analizu sa preporukama.

**Trajanje angažmana:**

Ekspert/ica će biti angažovana 20 ekspertskih dana u periodu od tri mjeseca.

**Opšti uslovi za prijavu koje kandidati trebaju ispuniti su:**

- a) da ima navršenih 18 godina života;
- b) da je državljanin Bosne i Hercegovine, što se dokazuje uvjerenjem/dokumentom;

**Kvalifikacije i potrebna znanja:**

- Visoka stručna sprema iz oblasti društvenih nauka.
- Najmanje 5 godina iskustva u oblasti rodne ravnopravnosti, uključujući poznavanje međunarodnih i domaćih standarda.
- Iskustvo u radu sa statističkim institucijama i/ili u razvoju indikatora.
- Poznavanje funkcionisanja javne uprave u BiH i rada gender institucionalnih mehanizama.
- Analitičke i komunikacijske vještine.
- Aktivno znanje engleskog i bosanskog/hrvatskog/srpskog jezika.
- Računarska pismenost (Word, Excel, Outlook, PowerPoint).

**Način prijave:**

Pismo-prijavu sa Vašom biografijom dostaviti e-mailom na adresu [kristina.krstovic@mhrr.gov.ba](mailto:kristina.krstovic@mhrr.gov.ba) ili na adresu:

**Ministarstvo za ljudska prava i izbjeglice BiH**

**Agencija za ravnopravnost spolova BiH**

**Dubrovačka 6,**

**71000 Sarajevo**

Rok za prijavu je 8 dana od dana objavljivanja ovog Javnog poziva na web stranici ministarstva [www.mhrr.gov.ba](http://www.mhrr.gov.ba)

**MINISTAR**  
  
**dr Sevlid Hurtić**